



Komunikadu Imprensa
2 Dezembru 2013

Kazu krime sanulu resin-rua julga atraves husi tribunal movel iha Distritu Bobonaro

Hahu husi 25 - 27 Novembru 2013, Tribunál Distritál Suai hala'o julgamentu móvel iha Distritu Bobonaro hodi julga kazu krime hamutuk 12. Kazu hirak ne'e kompostu husi krime roubo 1, insèndio 1, danu simples ho ameasa1, kazu ofensa ba integridade fízika simples 1, omisídio agravado 1, violénsia doméstika 1, violasaun seksuál 2, furtu simples 1, prosesu sumáriu 1, krime konkurso real 1 no krime omisídio simples 1.

Husi total kazu hirak ne'e, kazu 10 mak hetan desizaun no ida seluk sei kontinua prosesu.

"Tribunál kontinua hatudu sira nia komitmentu atu lori justisa besik ba komunidade liu-liu iha área rurais hodi nune'é bele fasilita povu kbiit laek sira asesu ba justisa formal. JSMP espera katak iniciativa julgamentu móvel hanesan ne'e bele nafatin kontinua iha futuru nune'é povu iha area rurais senti katak justisa too duni ba sira no konfiansa povu ba justisa formal aumenta ba bebeik ", dehan Luis de Oliveira Sampaio, Diretor Ezekutivu JSMP.

Julgamentu movel ne'e prejide husi juis koletivu ne'ebé kompostu husi Dr. Pedro Raposo de Fiquiredo, Dr. Costânsio Barros Basmery, Dr. Argentino Luisa Nunes, Dra. Florencia Freitas no Dr. Alvaro Maria Freitas. Ministériu Públiku reprezenta husi Dr. Felismino Garcia Cardoso, Dr. Antonio Tavares no arguidu sira hetan defeza husi Dr. João Henrique de Carvalho, Dr. Marçal Mascarenhas no Dr. Manuel Amaral husi Defensória Públiku.

Atu hetan informasaun kle'an favor kontaktu direitamente:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org
info@jsmp.minihub.org
telefone: 3323883/77295795
webiste: www.jsmp.tl
facebook www.facebook.com/timorleste.jsmp
twitter: @JSMPtl